

四庫全書

史部

欽定四庫全書

皇朝通典卷九十六

州郡七

雲南省

東西距二千五百十里南至廣西泗城府界七百五十里

西至神護關接野夷界一千七百六十里南至交趾界七百五十里北至四川寧遠府會理州界四

百里東南至廣西鎮安府界一千一百四十里西南至尺馬關接緬甸界二千三百十里東北至貴

州南籠府普安州界四百三十里西北至西藏界二千里在京師西南八千二百里

雲南明領雲南澂江廣西廣南鎮沅臨安大理楚

雄順寧蒙化景東永寧十二府武定曲靖尋甸元
江姚安永昌麗江鶴慶八軍民府北勝一州

本朝初因之順治十六年改廣南土府為正府康熙
六年置開化府八年降尋甸府為州屬曲靖府三
十七年升北勝州為永北府以永寧土府屬於永
北府雍正二年改威遠土州為直隸同知廳四年
改四川之東川軍民府來屬五年又改四川之烏
蒙鎮雄二軍民府來屬六年降鎮雄為州屬烏蒙

府七年置普洱府改麗江土府為正府九年改烏
蒙府為昭通府乾隆三十年武定曲靖東川元江
永昌等府俱罷稱軍民府三十五年省姚安府入
楚雄府省鶴慶府入麗江府改廣西武定元江鎮
沅四府為直隸州改蒙化永北景東三府為直隸
同知廳凡領府十四直隸州四直隸廳四

雲南府

省會

領州四縣七昆明

附郭

嵩明州

晉寧州

安寧州

昆陽州

富民

宜良

呈貢

羅

次 祿豐 易門

大理府領州四縣三太和附趙州 鄧川州 賓

川州 雲龍州 雲南 浪穹

臨安府領州三縣五建水附石屏州 阿迷州

寧州 通海 河西 甯莪 蒙自

楚雄府領州三縣四楚雄附南安州 鎮南州

姚州初為姚安府附郭屬州乾隆三十五年罷府以州來屬 定遠 廣通

大姚初屬姚安府乾隆三十五年罷府來屬

澂江府領州二縣二河陽

附

新興州

路南州

江川

順寧府領州一縣一順寧

附郭乾隆三十五年置

雲州

曲靖府領州六縣二南寧

附

霑益州

舊治在今宣威州境此為

交水縣地順治十六年移今治

陸涼州

舊治在今州東北境康熙五年移今治

羅平

州馬龍州

尋甸州

舊為軍民府治今州東境後移今治康熙八年降為

州來

宣威州

雍正五年析霑益州地置屬鎮沅府乾隆三十五年來屬

平彝舊

彝衛康熙三十四年改置縣

麗江府

舊為軍民土府雍正元年改設流官為正府

領州二縣一麗江

附郭乾隆三十五年置

鶴慶州

舊為府乾隆三十五年改為州米屬劍川州屬

鶴慶府乾隆三十五年來屬

普洱府

明車里宣慰司地後為那崑所據本朝順治初編隸元江府雍正七年始以其地

置府領縣一寧洱

附郭雍正十三年置

永昌府

舊為軍民府乾隆三十年改為府

領州一縣二保山

附騰

越州 永平

廣南府

舊為土府順治十六年改設流官為正府

領縣一寶寧

附郭乾隆元年

置

開化府

舊教化三部王弄部安南部
長官司地康熙六年改置府領縣一文山

附郭雍正

七年置

東川府

舊為軍民土府屬四川省康熙三十八年
改設流官雍正四年自四川改隸乾隆三

十五年

稱府領縣一會澤

附郭雍正五年置

昭通府

舊為烏蒙土府屬四川省雍正五年
來屬六年設流官九年改為昭通府領州

一縣二恩安

附郭雍正六年置

鎮雄州

舊為軍民府雍正六年降為州來屬

永善

雍正六年置

廣西州

初為府乾隆三年改為直隸州

領縣二師宗

彌勒

縣二

初俱為州屬廣西府乾隆三十五年降為縣屬州

武定州

初為武定軍民府乾隆三十年稱武定府三十五年改為直隸州

領縣二

元謀

祿勸

初為州屬武定府乾隆三十五年降為縣屬州

元江州

初為元江軍民土府順治六年設流官乾隆三十年稱元江府三十五年改為直隸

州領縣一新平

初屬臨安府雍正十年屬元江府乾隆三十五年屬州

鎮沅州

舊為鎮沅土府雍正五年設流官稱鎮沅府乾隆三十五年改為直隸州

領縣

一恩樂

舊者樂甸長官司地雍正五年置縣屬鎮沅府乾隆三十五年屬州

蒙化廳

舊蒙化土府康熙四年稱蒙化府置流官設掌印同知管轄乾隆三十五年改為廳

景東廳

舊為景東土府康熙四年稱景東府置流官設掌印同知管轄乾隆三十五年改為

廳

永北廳

舊為永北直隸州康熙三十七年升為府乾隆三十一年裁知府視蒙化景東二府

之例設掌印同知管轄三十五年改為廳

威遠廳

舊威遠土州雍正三年改為廳置威遠撫夷清餉同知治此

貴州省

東西距一千九十里南北距七百七十里東至湖南辰州府界五百四十里西至雲

南曲靖府界五百五十里南至廣西慶遠府南丹州界二百二十里北至四川重慶府界五百五十

里東南至廣西泗城府西隆州界三百五十里西南至雲南曲靖府界五百三十里東北至湖南辰州府界五百二十里西北至雲南東川府界五百六十里在京師西南七千六百四十里

貴州明領貴陽思州石阡黎平思南銅仁鎮遠都勻安順平越十府

本朝初因之康熙三年以平定水西改設流官以水西宣慰司之水西城置黔西府以比刺壩置平遠府以大方城置大定府又改四川之烏撒軍民府為威寧府來屬二十三年改黔西平遠二府為州

屬於大定府二十六年又改大定府為州與黔西
平遠二州俱屬威寧府雍正五年增置南籠府七年
改四川之遵義府來屬復升大定州為府降威寧
府為州以屬之乾隆三十七年升遵義府之仁懷
縣為直隸廳凡領府十有三廳一

貴陽府

省會舊貴陽軍民府康熙二十六年稱貴陽府

領州三縣四貴筑

附郭康熙二十六年以貴州衛改置縣與新
貴縣並為府治三十四年省新貴縣入焉

開州

定番州

廣順州

龍里

舊龍里衛康熙
十一年改置縣

貴定

修文

舊修文等守禦所康熙二十六年改置縣

思州府領縣二玉屏

舊平溪衛隸湖廣都司雍正五年來屬改置縣

清溪

舊清浪衛隸湖廣都司雍正五年來屬改置縣

思南府領縣三安化

附婺川

印江

鎮遠府領縣三鎮遠

附施秉

天柱

初屬湖南靖州雍正五年

改屬黎平府十一年來屬

石阡府領縣一龍泉

銅仁府領縣一銅仁

黎平府領縣三開泰

附郭舊五開衛隸湖廣都司
雍正三年來屬改置縣為府

治錦屏

舊銅鼓衛隸湖廣都司
雍正三年來屬改置縣

永從

安順府

舊安順軍民府康熙
二十六年稱安順府

領州二縣三普定

附郭

舊普定衛康熙十年
改置縣為府治

鎮寧州

永寧州

清鎮

舊威清鎮

西二衛康熙二十
六年改置縣

安平

舊平壩衛康熙二
十六年改置縣

南籠府

舊安籠所康熙五十二
年改為南籠廳雍正五年
升為府

領州二縣二

永豐州

舊為安籠長官司地
雍正五年改置州

普安州

初屬安順府
雍正五年來

屬普安

本馬乃夷地順治十八
年平之屬

安南

舊安南衛

康熙二十六年改置縣屬
安順府雍正五年來屬

都勻府領州二縣三都勻

附那舊都勻衛康熙
十年改置縣為府治麻

哈州 獨山州

清平

康熙七年省入麻
哈州十年復置

荔波

初屬

廣西慶遠府雍正
十年來屬

平越府

舊平越軍民府康熙
二十六年稱平越府

領州一縣四平越

附

舊平越衛康熙十
年改置縣為府治

黃平州

舊治今州西北境康熙
二十六年移於興隆衛

故地為
今治

甕安

湄潭

餘慶

大定府

舊水西宣慰司康熙三
年討平之改置大
定平遠黔西三府二十
三年改平遠黔西

二府為州屬大定府二十六年復改大定府為州
屬威寧府雍正七年復置大定府以威寧府為州

屬領州三縣一平遠州 黔西州 二州舊俱水西
宣慰司地康熙

三年俱改置府尋俱降為州屬大定
府後改屬威寧府雍正七年並來屬威寧州 舊烏
撒軍

民府隸四川省康熙三年改置威寧
府改隸貴州雍正七年降為州來屬畢節 舊畢節
衛康熙

二十六年改置縣屬威
寧府雍正七年來屬

導義府 舊導義軍民府隸四川省康熙二
十六年稱導義府雍正七年來屬領州一

縣三導義 附正安州 舊治今州東北境
郭 康熙中移今治 桐梓 綏

陽

仁懷廳

舊仁懷縣乾隆三十七年升為廳

臣等謹按各蒙古藩屬翊戴

天家世守勿替其自

國初附屬之內扎薩克為舊藩康熙間撫順之喀爾喀雍正間底定之青海厄魯特為新藩舊藩地東至黑龍江界西至賀蘭山厄魯特界南至長城北逾絕漠延袤萬餘里凡二十五部五十一旗新藩喀爾喀地東至黑龍江界西至阿勒台山伊犁東

北路界南至內扎薩克界北至俄羅斯界延袤八千餘里凡四部八十二旗青海地東至甘肅河州界西至西藏界南至四川界北至甘肅安西州界延袤二千餘里凡四部二十九旗又賀蘭山厄魯特等諸旗西藏全部莫不歸義受封永為藩衛允為前古所未有之盛事以此編非輿地專書未及編載謹並叙其大略於此

臣等又按我

國家統一函夏式廓丕基溥海內外罔不欵服

皇上聖武丕昭戡定西域天山南北坐歸綏定其北路
為烏魯木齊雅爾伊犁等全部地東至喀爾喀界
西至藩部哈薩克界南至天山回部界北至俄羅
斯界延袤萬餘里其南路為回部之哈密城闐展
城吐魯番城哈喇沙爾城庫車城沙雅爾城賽哩
木城拜城阿克蘇城烏什城喀什噶爾城葉爾羌
城和闐六城等屬地東至甘肅省安西州界西至

蔥嶺南至西藏界北至伊犁界亦萬餘里度地興
屯因方築堡舉從古狂獠睚眦之地一變而為桑
麻廬井之區茲以此編非輿地專書未及編載謹
撮其大略於此

皇朝通典卷九十六

欽定四庫全書

皇朝通典卷九十七

邊防一

臣等謹按杜佑叙列歷代以來荒外之國享王背服興廢沿革與其山川風氣習俗性尚殊方異族之蹟而統目之以邊防誠以四邊遼遠聲教莫通經緯控制之宜有不可不大為之防者其體例唯載荒外諸國朝貢征伐而不及內地沿邊控禦屯

戍之政名曰邊防實卽列史之四裔傳也自唐以
來四裔之國分併遷徙紛紜不一已見於五朝續
通典洪惟我

聖朝應

天開基疇覆九宇

重熙累洽暢域朔挺舉凡前代之所為勞師設備長駕遠
馭兢兢防制之不暇者莫不備職方而凜藩服東
瀛西濛環集輻湊固已無邊之可言而亦豈列代

防禦之術所可比論哉故以杜典及續通典所載
諸國參較於今日輿圖如挹婁韃韃三韓為今黑
龍江寧古塔諸處早為內地烏桓鮮卑蠕蠕庫莫
奚突厥韃靼為今蒙古四十九部及喀爾喀諸部
地邛都笮都冉駝為今兩金川地雞籠山為今臺
灣府地南詔為今大理府地吐蕃朶甘烏斯藏為
今西藏地白蘭吐谷渾党項為今青海部地赤斤
蒙古罕東安定阿端哈瑪里為今安西州哈密地

蓋自

太宗文皇帝撫有蒙古全部

聖祖仁皇帝三莅朔漠奠定喀爾喀諸部西藏歸化

世宗憲皇帝征服青海編旗分理逮我

皇上普天徧覆西師之役拓地二萬餘里於是天山以

北準噶爾部古之所稱烏孫突厥回鶻衛喇特諸

部及天山以南回部古之所稱土魯番火州柳城

車師焉耆龜茲姑墨疏勒莎車于闐諸國以至美

諾阿爾古諸廳莫不盡入版圖歸於疆理凡此皆漢唐以來所謂極邊之地而在今日則皆休養生息漸仁摩義之衆也既已

特設駐劄駐防辦事諸大臣統轄而變理之矣外此有朝獻之列國互市之羣番革心面內之部落顯顯向化環四海而達重洋蓋可得而畧紀焉在東則為朝鮮日本琉球在南則為安南暹羅南掌港口

東埔寨宋牯勝緬甸整欠景海廣南葫蘆國柔佛

亞齊呂宋莽均達老文萊馬辰蘇祿噶喇巴舊港
曼加薩英吉利干絲臘荷蘭法蘭西瑞國連國在
西則為東西布魯特安集延塔什罕拔達克山博
洛爾愛烏罕意達里亞博爾都噶爾亞在北則為
俄羅斯左右哈薩克啟齊玉蘇烏爾根齊咸奉正
朔勤職貢沐浴於

皇仁輝赫於

聖武輸誠被化萬世無極謹差次諸邊諸國之事蹟仍

杜佑四邊之例分為四卷以著我

聖朝一道同風之盛防禦控制之周洵有超軼萬古者
焉其他國名見於前典而今無聞者蓋疆域遞并
名號互易如百濟新羅濊貊之已併於朝鮮赤土
之改為暹羅林邑之改為環王為占城又為廣南
干陀利之改為舊港皆以今名著錄餘不復述云
邊防東序畧

臣等謹按杜氏邊防典東方凡二十國五朝續通典

分東及東南亦二十國今考濊貊新羅諸國既併
於朝鮮其東南之雞籠山即今臺灣府地久為郡
縣他如呂宋法蘭西荷蘭等國地處南洋宜入邊
防南部其在東者惟朝鮮日本琉球考朝鮮於我
朝歸命最先其世受我

朝德澤亦為最渥天聰崇德間兩伸

天討特沛

鴻恩存已亡之宗社自此稱藩奉朔勤慎効職至於

發海運以賑饑黎

賚空青以療王疾

殊恩異數有非他藩服所得濫邀者日本在前明時沿海

備禦防禁非不嚴厲而控制失道寇警不絕我

朝聲靈震疊重疊帖然洋銅市易琛賫偕來蓋

聖化之覃被者遠矣琉球輸誠慕化疊

遣正副使踰海冊封奕世恭順國中山形本南北向國

王殿門特易西向以表面內之誠洵

聖澤漸涵無遠不屆者哉至於東海中羣島環峙各有居族皆日本琉球之所附屬可弗具述又按

盛京東北濱海之境有赫哲費雅喀庫倫鄂倫綽奇楞庫野恰喀拉諸部各沿海島居住諸部每歲進貂皮設姓長鄉長子弟以統之鄂倫春有使鹿使馬二部各設佐領驍騎校等官並設額兵供調遣皆隸寧古塔黑龍江將軍所轄地雖極邊人皆內屬故卷內不復叙列

東

朝鮮

朝鮮古營州外域箕子始封其地漢末改稱高麗
明洪武二十五年從其國王李成桂請復今名其
全境三面距海併有高句驪濊貊新羅百濟沃沮
諸國有兩京分八道統郡四十一府三十三州三
十八縣七十其建置沿革備詳前典我

太祖高皇帝肇興東土附近諸部落以次服屬朝鮮猶納

貢於明天命四年三月征明朝鮮以兵助明我師
與戰大破之降其將姜功烈是時國王李琿成桂
十世孫也琿廢姪李倬代立天聰元年正月

太宗文皇帝命大貝勒阿敏率師征朝鮮克義州定州漢
山諸城次於平壤其國之西京也李倬遣使求成
不許二月逼王京倬挈妻子遁江華島固請求成
許之大軍振旅而還二年開市中江通貿易春秋
入貢皆有定額後違約反覆屢

賜諭書不奉命崇德元年十二月

太宗文皇帝親統大軍聲罪致討屢克其城至臨津江先是江水冰泮不可渡

車駕未至前三日天驟寒冰堅合大軍安驅渡江衆兵莫不驚異先遣兵抵王京侏兵迎戰大破之殲其衆
侏挈長子淫棄京城遁入南漢山城遣兵圍之屢
擊敗其外道援兵

上次王京城由城外徑渡漢江益軍圍侏二年正月侏請

成不許降

敕切責侂奏書稱臣復降

敕令其出城歸命縛送敗盟三四臣正國法以儆國人侂
猶豫未決侂之走南漢城也先遣其妻子及其大
臣家口遁居江華島島在開州南海中意謂大軍
不能飛渡

上命睿親王多爾袞造小船八十出渡口島中出大船三
十餘艘迎戰大破之遂入島城獲王妃一王子二

家屬七十六人閤臣一侍郎一羣臣家口百六十
六人置之別室禁護無侵犯仍降

敕諭侏於是侏以孤城窮蹙妻子被俘八道離散宗社垂
絕乃頓首受命率其羣臣獻上明國所給敕印出
城來降築壇設黃幄於漢江東岸之三田渡受其
降接以優禮與定約束

命侏及其羣臣各與其妻子相見皆相抱慟哭感戴無極
留其長子湏次子湏為質二月

上班師以朝鮮凋疲許丁丑戊寅兩年准免貢物倡議敗盟之洪漢翼諸臣皆伏誅自是朝鮮抒誠歸化朝貢不絕十月

上命英俄爾岱馬福岱達雲等齎

制誥印勅往封李倧為朝鮮國王十一月倧遣陪臣表賀萬壽冬至貢方物十二月遣陪臣表賀元旦貢方物並宴賚遣歸嗣凡元旦冬至

萬壽聖節皆專遣陪臣表賀歲為常不悉書四年六月

遣使往封宗繼室趙氏為朝鮮王妃並封長子湃為朝鮮國

王世子東方庫爾喀叛入熊島恃其險遠抗不服

上命朝鮮以兵討之宗遣將由慶興之西水羅前浦出口
討平之七月執叛首來獻賜宗銀二百兩宗以破
殘垂滅之國得復守宗社感

上殊恩於三田渡樹碑稱頌

功德傳示萬世及是以其事聞六年六月宗遣陪臣獻新

羅瑞金

優旨還之八年九月朝鮮擒獲明國天津偵探兵船一解

至降

敕嘉獎順治元年五月以破流賊李自成底定燕京捷音

宣示朝鮮七月棕遣陪臣表賀貢方物奉

敕減朝鮮歲貢額內紵布四百匹蘇木二百斤茶千包棉

綢千匹各色細布五千匹布四百匹麤布二千匹

順刀十把刀十把其元旦冬至

萬壽慶賀貢物以道遠俱於朝正時附進著為令二年十

一月以朝鮮世子淫卒遣使齎

敕誥往封侖次子湜為世子三年二月

恩免朝鮮貢米六年正月以朝鮮一年一朝原定閣臣一

員尚書一員書狀官一員代覲念閣臣尚書等年
老不堪遠涉此後或閣臣尚書一員侍郎一員代
覲書狀官仍舊六月朝鮮國王李侖薨八月遣禮
部啟心郎渥赫等往

諭祭賜謚莊穆又遣戶部啟心郎布丹侍衛撒爾岱充正

副使齎

誥敕往封世子湔為國王妻張氏為王妃十年三月以朝
鮮國王印篆止有清文無漢篆

命禮部改鑄兼清漢字賜給十一年十二月封湔子櫛為
世子

賜誥命十六年五月李湔薨九月遣工部尚書郭科等往
諭祭賜謚忠宣又遣大學士蔣赫德吏部侍郎覺羅碩博
會克正副使往封世子櫛為國王妻金氏為王妃

康熙十三年王母妃張氏卒遣使

諭祭是年李柵薨

諭禮部李柵襲封以來克盡藩職可從優給與卹典於常
例外加祭一次賜謚莊恪遣內大臣壽西特侍衛桑厄
恩克往

諭祭兼封王嗣李焯為國王妻金氏為王妃二十年正月
王妃金氏故遣官致祭二十一年五月遣使冊封
焯繼室閔氏為王妃是年

聖祖仁皇帝恭謁

祖陵朝鮮國王遣陪臣至

盛京迎接進貢方物二十四年六月焯奏國內牛多
疫死民失耕種請暫停互市禮部議焯託言妄奏
不合應令回奏到日再議

上諭撫馭外國之道不可太嚴亦不可太寬倘如所請後
此恐生玩忽因令禮部另議議上焯應罰銀萬兩得

旨外藩小國姑宥一次仍令照常貿易二十五年二月朝

鮮民韓得完等違禁越江採葭擅傷官役遣使會
同國王焯審擬讞成奉

旨韓得完等為首六人立斬餘二十二人從寬免死減等
發落焯奉表謝罪附貢方物得

旨朝鮮國王因謝罪進貢理宜不收但恐發還則人役勞
苦且驛遞騷擾可准作年貢嗣後謝罪貢物著停止三
十二年正月奉

旨朝鮮國王世篤悃忱嗣後年貢內黃金百兩及藍青紅

木棉永著停止三十六年七月封焯子李昫為世子十一月焯奏請仍於中江貿易部議不准行奉

旨著照該國王所請於中江地方貿易三十七年正月遣侍郎陶岱運米四萬石至中江平糶又特發米萬石賑給有

御製海運賑濟朝鮮記是年國王進謝恩禮物奉

旨為平糶貢物發回為賞給米穀貢物準收又三十九年

諭朝鮮國王因送回漂溺人民賞賜謝恩其禮物不必收
嗣後此等奏謝著停其進貢四十年十二月王妃閔氏
故遣使致祭四十二年二月遣使封焯繼室金氏為

王妃四十五年十月

諭大學士等曰觀朝鮮國王凡事極其敬慎其國人亦皆
感戴聞其國有八道北道與瓦爾喀地方土門江接界
東道接倭子國西道接我鳳凰城南接海猶有數小島
太宗文皇帝定朝鮮之役我兵無處不到以已破之國我

朝為之重加營建俾安堵如故其國人於

太宗文皇帝駐軍之地樹立石碑備書更生之德累世感戴以至於今且彼更有可取者明之末年彼始終未嘗叛之猶為重禮義之邦也五十一年十月

諭禮部朝鮮國年例貢物內有白金一千兩紅豹皮一百四十二張嗣後永停貢獻朝鮮國使沿途館舍令地方官修葺完固用副朕加惠遠人至意五十六年九月焯以目疾來求空青遣官以空青往

賜焯奉表謝

恩附進方物得

旨所進儀物留作下次正貢嗣後凡有附貢方物者皆准

作正貢五十九年十月李焯薨遣散秩大臣查克亶禮

部右侍郎羅瞻往

諭祭賜謚僖順兼冊封世子昫為國王繼妻魚氏為王妃

六十一年二月昫疏言臣妾弱無嗣請以弟李吟

為世弟以續宗祧得

旨允行遣使往封吟為朝鮮國王世弟雍正元年

諭禮部朝鮮自歸順我朝以來恪盡藩職所貢方物再議
減免以紓其力尋議減布八百匹獺皮百張青鼠皮三
百張紙二千卷從之又奉

諭旨朝鮮國進萬壽表文不必於九月內來京著仍照例
於十二月與年貢並進二年十二月李昞遣散秩大
臣覺羅舒魯翰林院學士阿克敦往

諭祭賜謚恪恭兼封李吟為國王妻徐氏為王妃三年七

月昫疏請封副室所生子李緯為世子部議與例不符得

旨如所請行八月遣官封昫子緯為世子是年奉

旨朝鮮國因賜祭謚謝恩禮物不必收納至封王所貢儀物照例收受六年二月減朝鮮歲貢稻米三十石江米三十石每年止貢江米四十石以供祭祀著為例
七年正月王世子緯卒遣官致祭十月

諭禮部朝鮮國距京三千餘里貢使往來勞費嗣後凡謝

恩章疏與三大節表同時齎奏不必特遣使臣著為令
八年國王為嫂妃魚氏告哀遣使

諭祭乾隆元年二月禮部奏朝鮮國恭進

萬壽表貢乾隆元年應特遣使臣於七月來京至乾隆
二年表貢仍照舊例與年貢同進得

昔朝鮮國今年所進萬壽表貢照例於十二月偕年貢
同進由是仍遵舊例歲以為常二年四月吟奏中江
通市請仍舊例與內地兵丁交易從之十一月吟

請封其副室所生子愼為世子時愼甫三歲部議
與例不符奉

特旨允行三年正月遣使往封愼為世子五年三月福
建巡撫王士任疏言莆田縣民陳協順商船被風
漂至朝鮮國楸子島資送回籍得

旨著傳旨嘉獎八年九月

上恭謁

盛京

三ノ下ノ二ノ三ノ
卷六十七
祖陵朝鮮遣使表貢從優賞賚

御書式表東藩匾額賜之奉

特旨並令使臣與諸王大臣宴十一年八月

命尚書班第察勘莽牛哨添汛事宜先是奉天將軍奏
請於莽牛哨添汛巡查并於鳳凰城外展邊墾土
下部議行吟奏其未便是月班第奏莽牛哨在我
境內於朝鮮無涉汛宜設得

旨朝鮮世戴國恩甚為恭順若安設此汛彼國有違禁

者致王得罪朕心不忍可如所請將莽牛哨設汛之

處停止九月減中江稅額十九年九月

上詣盛京恭謁

祖陵吟遣陪臣表貢得

旨著照乾隆八年之例加恩賞賚陪臣亦照例加賞二

十二年六月吟以其母金氏之喪來告王妃徐氏

旋卒二十三年遣官

諭祭四月更定通官額數初朝鮮通官定十二員遇頒

詔封王等事用四員或五員不等

赦審及交易諸事用二員為例大學士公傅恒等奏請
朝鮮久為屬國往來禮節語言均已嫻熟所設通
官請改設為八員從之二十五年正月遣官封
繼室金氏為王妃二十八年七月封朝鮮故世子
愼之子祿為世孫四十一年李昫薨該國王妃金
氏請以世孫祿為國王妻金氏為王妃并請追賜
故世子緯爵謚及世子婦趙氏

上命散秩大臣覺羅萬福內閣學士嵩貴往封並給與
誥敕各一道四十三年

上恭詣

盛京祇謁

祖陵是年以不舉筵宴預敕朝鮮毋庸遣使朝賀該國王
具咨禮部仍遣陪臣至

盛京請

安

御書東藩繩美額賜國王加賞以示優獎四十八年

上恭謁

盛京

祖陵朝鮮遣使接覲所有朝貢宴賚一切典禮俱照癸亥

甲戌兩次尤加優渥

御製詩章頒賜國王四十九年祿疏稱世子暉年及三
歲請封為世子奉

特旨遣使往封並給與

詔敕五十年正月舉行千叟宴盛典

上命該國王遴選者年派充貢使觀光預宴以昭優寵
自乾隆初年以來所有朝鮮王附貢方物並充作
正貢所有朝鮮民人被風漂入內地者俱給資護
送歸國體恤藩服之忱

仁至恩隆無不備盡朝鮮平壤城西北三里有箕子墓
小山旁繞前有箕子祠設參奉二人世守其祀即
箕子裔大同江岸有柴樹林可十里許幹似松葉

似榆土人常藉以療饑相傳為箕子所植云

日本

日本古倭奴國唐咸亨初更號日本以近日出而名也國在東海中環波而宅有五畿七道三島一百十五州統五百八十七郡皆依水嶼小者不過中國一村落而已其國有官名關白者猶云宰輔之職代相更替專國政兵馬國習中華文字而讀以倭音俗尊佛尚中國僧敬祖先得名花佳果非

敬僧佛即上祖墓立法嚴人無爭鬪犯法者事覺
即自殺無售賣人口傭工期滿即歸富者履絮席
貧者履薦席名曰毯踏棉男女衣服皆大領濶袂
女加長衣曳地雜繪文彩飾用玳瑁氣候與江浙
齊產五金磁器漆器金文紙馬出薩峒馬者良薩
峒馬即薩摩州也其地山高水寒刀最利故倭人
好以為佩龍涎香及海參鮫魚之屬皆海中產所
統屬國北為對馬島與朝鮮接南為薩峒馬與琉

球接對馬島與登州直薩峒馬與温台直長崎與
普陀東西對峙水程四十更厦門至長崎北風由
五島入南風由天堂入水程七十二更海道以更
計里一晝夜為十更云前明時關白興師蹂躪朝
鮮八道幾沒迨朝鮮內附

本朝而侵陵以息崇德四年日本島主及對馬州太
守平義成致書朝鮮脅取土產朝鮮國王懼以二
書來告然日本究不敢興兵啟釁則震讐

天威之所致也順治二年其國一十三人泛海遭風飄至

內地

詔守臣支給衣糧隨朝鮮使臣津發回國康熙三十二年
九月日本國船一十二人漂至廣東守臣以聞

命量給衣糧護送浙省令其歸國其與中國貿易者長崎
島為百貨所聚商旅通焉國尤饒銅我

朝經制鼓鑄所資滇銅而外兼市洋銅安徽江蘇浙
江江西等省歲額市四百四十三萬餘斤商辦銅

斤有倭照以為憑信攜帶綢緞絲斤糖藥等物往
日本市銅分解各省乾隆二十四年禁止絲斤出
洋又兩廣督臣請將綢緞綿絹一并禁止嗣據江
蘇巡撫奏請仍許洋商酌量攜帶每船皆有定額
非日本辦銅商船不得援以為例從之日本自前
明時寇警不絕

聖朝聲靈震疊海宇救寧通商利用綏靖有經超軼前
古之盛軌於斯可概見也

琉球

琉球在福建泉州府東海島中接漳泉福興四州
界自福州五虎門出海水程一千七百里至其國
距

京師七千八百三十二里國分三省各隸間切間切
譯言府也王城所治為中山為中頭省隸間切十
有二村縣百一十有三山北為國頭省隸間切九
村縣六十有八東西狹南北長四際皆海島嶼環

列凡三十有六皆轄於琉球其西南方有北山延
袤三百餘里與日本接界由琉球之薩摩境開船
四日可至凡國王嗣位先遣陪臣來請

朝命

欽命正副使奉

敕往封賜以鍍金銀印文曰琉球國王未封以前稱世
子權國事受封乃稱王其歷代沿革已詳前典不
具錄國王見

朝使冠烏紗冠雙翅側衝上向盤金朱纓垂頷下受
封後詣館謝及宴皆皮弁氣候多煖少寒無冰霜
雪希降草木常新所產有番薯紅菜松露蕉實野
牡丹吉姑羅檜木福木呀喇菩古巴梯斯之屬禽
有古哈魯麻石伊石求子烏鳳容蓋皆中土所無
者鱗介異產尤多獸則牛馬山豬羊鹿犬有市集
負薪運水多以婦人為之國王尚氏前明時遣使
請封會道阻留閩未還我

朝順治三年福建平經畧洪承疇轉送使者至京以前朝敕印未繳遣其使還六年世子尚質遣使奉表歸誠十年遣使來貢十一年三月質又遣使來貢兼繳前朝敕印請封

賜宴錫賚有差

命兵科副理事官張學禮行人司行人王垓充正副使齎詔印往封令二年一貢進貢人數不得過一百五十人許正副使二員從人十五名入京餘俱留闕待命尋

因海氛未靖使臣還京未往康熙元年再降

敕諭令學禮等奉往至國成禮而還三年王表謝五年七

月遣陪臣入貢奉

諭尚質所進瑪瑙烏木降香木香象牙錫速香丁香檀香
黃熟香等十件不係土產免其入貢餘所貢方物令督
撫差人解送來使不必齎送來京即給賞遣歸七年二

月重建柔遠館驛於福建以待琉球使臣是年國
王尚質薨八年世子尚貞遣陪臣來貢自後貢使

不絕二十一年

命翰林院檢討汪楫內閣中書舍人林麟焟為正副使齎
誥敕銀印往封尚貞為琉球國中山王

御書中山世土四字額賜之貞請令陪臣子弟四人赴京
受學

上許之二十五年貞遣官生梁成楫蔡文溥阮維新鄭秉
鈞等四人入太學三十二年貞遣陪臣入貢請入

監讀書官生歸國

賜宴及文綺乘傳厚給遣歸自是二年一貢如常例四十
八年尚貞薨世子尚純先卒四十九年尚純子尚
益以嫡孫立五十一年卒未及請封五十二年尚
益世子尚敬立比年遣使入貢稱世曾孫五十七
年六月

命翰林院檢討海寶編修徐葆光充正副使齎

詔敕銀印往封五十九年王尚敬疏請續送官生入監讀
書從之雍正二年敬遣陪臣奉表賀

上登極并貢方物送官生鄭秉哲鄭繩蔡宏訓等入監

御書輯瑞球陽四字額賜王交使臣齎回三年九月奉表

謝

恩并貢方物得

旨琉球貢物准作二年一次正貢四年貢使還附遣官生

鄭秉哲等還國乾隆二年六月琉球所屬之小琉

球國有粟米棉花二船遭風漂至定海象山地浙

閩總督大學士嵇曾筠資給衣糧遣還事

聞奉

上諭嗣後似此被風飄泊之船令督撫等加意撫恤動
用存公銀兩資給衣糧遣歸本國著為令三年敬遣
陪臣奉表賀

上登極并貢方物使回

御書永祚瀛壖四字額賜王


勅諭不必專使謝恩俟正貢之年一同奏謝五年送回
被風失舟之商民五十三人奉

旨該部行文傳諭嘉獎十六年尚敬薨世子尚穆權理
國事十七年送回十四年被風失舟之商民四船
九十二人其六船因船身堅固先已撥給桅木廩
餼資送回籍事

聞

賜緞幣嘉獎二十一年世子尚穆遣使進貢兼請襲封
命翰林院侍講全魁編修周煌充正副使冊封頒賜並
如前例全魁等回京代奏請官生入監讀書許之

二十五年遣陪臣來貢并遣官生梁文治等入監
讀書二十九年遣還琉球國誠心向化恭順最著
其國山形本南北向以中國在海西王殿及門皆
西向以表忠順面內之意



皇朝通典卷九十七

欽定四庫全書

史部

皇朝通典卷九十八
至一百

編修臣李傳熊覆勣

總校官編修臣程嘉謨

欽定四庫全書

皇朝通典卷九十八

邊防二

南序畧

臣等謹按杜氏邊防典南方凡五十六國五朝續通
典分南及西南凡七十七國以今輿地考之南詔
已入雲南大理府吐蕃等十三部則統於西藏其
地分併出入多不可詳今見於志冊者有安南以

下二十七部安南為朝貢遣使

敕封之國暹羅南掌呂宋蘇祿荷蘭

恩賜敕諭即遣貢使齎捧回國不別遣使其港口以下
諸國往來貿易嚴奉約束各安生理無復舊時巨
艦大礮自相攻奪之餘習蓋

聖朝德化遠播重洋安恬樂利萬宇慶賴即如安南一
國在前明時黎李陳莫四姓篡奪不絕自歸順

本朝以後傳世綿遠山河晏如洵

聖朝威靈所奄有以錫禔福於無外也閩粵洋商互市
通萬國之貨財普域外之利用而防範必極其周

詳

恩膏務從其廣大故出入以時科稅以則有禁攜軍器
之例有定帶米石之條有酌定歸期之限有准配
絲斤之制立法備盡撫馭兼權諸番畏神服教久
而益洽有逾五六萬里如期而至者涉履波濤如
循康莊之軌遵四達之衢孰不忭舞欣躍於

天朝膏澤之中哉考英吉利干絲臘荷蘭法蘭西諸國
去廣東省自言皆六七萬里其本國地本處西北
洋中故康熙二十五年荷蘭國使臣入貢自言本
國與俄羅斯接壤俄羅斯為極北之國是荷蘭諸
國當近西北也茲以其貿易來從粵省又諸國於
南洋島嶼中各有寄居之地於西北諸國不相往來
故仍列於邊防南卷

南

安南

安南漢交阯九真日南三郡地唐置安南都護府
宋時始為黎氏所有旋易李氏封安南國王後仍
為黎氏其國治交州距

京師一萬一千一百六十五里與滇粵接界分十三
道有府四十九州縣二百餘東西相距一千七百
六十里南北二千八百里凡國王嗣位遣陪臣來

請

朝命

欽命正副使奉

敕往封賜以鍍金銀印文曰安南國王頗崇儒教交州
有國學文廟各郡縣皆建學祭祀配享俱慕效中
國為之氣候多暖少寒國中農桑極盛兼饒魚鹽
之利明末國王黎氏與其臣莫氏分境而治不能
統一我

朝順治初安南都統使莫敬耀向化投誠未授爵而

死授其子元清為安南都統使十七年國王黎維
祺卒子維禔嗣十八年奉表貢方物降

敕嘉賚交來使帶回是年安南出兵助剿海寇奉

旨賜國王文綺白金等物維禔尋卒子維禧嗣康熙元年
安南擒獻明裔奉

旨照前加賞二年奉表貢方物三年遣內院編修吳光禮
部司務朱志遠

諭祭故王維祺維禔五年五月維禧繳送前明敕印遣內

國史館翰林學士程芳朝禮部郎中張易賁

冊封維禧為安南國王六年維禧奪都統使莫元清高平

地元清奔雲南遣使

敕諭令歸莫氏土地初安南定為三年一貢七年五月以

道里悠遠得

旨許其六年兩貢並進十二年四月莫元清奏稱維禧所

歸土地尚有保樂七原等州未還請再

敕諭全歸不許是年維禧薨弟維統權理國事十三年遣

陪臣進貢方物十四年維被卒弟維正權理國事

十六年

敕諭黎維正大兵攻討逆賊吳三桂滇黔與安南壤地相接宜遴選將士協力攻勦十八年維正奉表慶賀大捷疏言逆賊吳三桂屢遣人脅誘令臣服從區區忠悃不敢從賊乃有本國逆臣莫元清與三桂密相締構圖為掩襲願仗

天威遣兵追擒逆黨明正其罪許之二十二年四月遣翰

林院侍讀明圖編修孫卓

冊封維正為安南國王

御書忠孝守邦四字賜之同時遣翰林院侍讀鄔黑禮部

郎中周燦

諭祭故王維禧維稔時莫元清已故具弟敬光為黎氏所
討率衆來奔奉

旨發回安南尋病故莫氏遂絕二十五年增

賜安南國王表裏五十著為例三十六年維正奏請雲南

所屬之牛羊蝴蝶普園三處故地不許仍行文申
飭五十五年奉

旨安南路遠免其解送重物五十七年維正薨王嗣維禔
請襲封五十八年二月遣內閣中書鄧廷詒翰林
院編修咸文往

諭祭並

冊封維禔為安南國王雍正二年十二月

御書日南世祚四大字賜之三年雲南總督高其倬奏雲

南開化府馬伯汎外四十里至鉛廠山下小河於康熙間入於安南應行清查又考雲南通志鉛廠山下小河之外尚有地八十里雖失在前明但封疆所係亦應一併清查現在委勘立界奉

旨安南累世恭順寧與爭尺寸之地不許嗣總督鄂爾泰奏請於鉛廠山下小河離馬伯汎四十里立界維
綯激切陳疏五年五月頒

諭訓飭維綯隨感悔奏謝

上因以馬伯汎外四十里地賜維禡仍以馬伯汎為界六年三月遣使

敕諭維禡曰此四十里之地在雲南為朕之內地在安南仍為朕之外藩無所區別著仍賜該國王世守之五月諭雲貴總督鄂爾泰朕既加恩外藩亦當俯從民便此四十里內人民若有願遷內地者可資給安插務令得所其願居外地屬安南管轄者聽十一月維禡薨王嗣維祜遣陪臣請襲封貢方物十二年二月遣

翰林院侍讀春山兵科給事中李學裕往

諭祭并

冊封維祜為安南國王十三年維祜薨弟維禕權理國事

乾隆二年遣翰林院侍讀嵩壽修撰陳倓往

諭祭并

冊封維禕為安南國王九年九月以廣西姦民潛出安

南滋事

命兩廣總督廣西撫臣提臣詳議防範邊境闕隘尋奏

南寧府屬遷隆土箇之板蒙等隘太平府屬思陵
土州之叫荒等隘鎮安府屬下雷土州之下首等
隘共三十餘口岸俱逼近安南應疊石建柵添卞
設兵飭地方官每年冬月查修通報安南驅驢地
方貨物聚集與由隘相近向設禁閉請開之以便
商民至平而水口兩關宜設立鐵練橫江攔截逢
五十日開一面以通商

上從之二十五年閩浙總督愛必達奏言安南邊境沙

匪與交目蘇由為難攔入漫卓馬鹿二寨搶掠滋
事現咨安南國王擒解

上以地方官平日巡防不嚴臨時追捕不力降

旨責之二十六年維禕薨王嗣維禕請襲封遣翰林院
侍讀德保大理寺少卿顧汝修往

諭祭并

冊封維禕為安南國王維禕欲以彼國五拜事天之禮
受封德保等執不可隨凜奉

天朝儀節禮成顧汝修以其侈陳儀從象械并迎送儀節未周既出境遺書責安南國王廣西巡撫熊學

鵬以

聞顧汝修議革職二十七年三月

諭禮部安南世為屬國凡遇朝使冊封至其國自應遵行三跪九叩頭禮乃該國王狃於小邦陋見與冊使商論拜跪儀注原屬無知經德保顧汝修指示成例始知恪遵外藩不諳體制部臣應預行宣示嗣後遇

有安南冊封等事即將應行典禮并前後遵行拜跪
儀節告知正副使令其永遠遵循著為令以後貢使
不絕照例加賞四十九年國王遣使謝

恩表貢方物

御書南交屏翰額賜之

暹羅

暹羅在廣東省西南海道四十五晝夜可達古暹
國羅斛國地明洪武中始名暹羅地方千里環國

皆山城分八門官制九等國分大庫司九府十四
縣七十二西北土磽确為古暹國地東南土平行
為古羅斛國地卑濕氣候不常或嵐或濕人皆
樓居俗修釋教男女多為僧尼居庵寺文字皆傍
行自明正德時選留貢使一二人入館肄業始稍
習漢文我

朝順治九年十二月暹羅遣使請入貢並請換給印
敕勘合從之

賜以駝紐鍍金銀印文曰暹羅國王康熙四年十一月國
王森列拍臘照古龍拍臘馬噶陸坤司由提雅普
埃遣陪臣坤司各喇耶邁低禮等齎奉金葉表文
航海入貢

上嘉之從優賞賚至是照各國例定為三年一貢十一年
三月得

旨暹羅貢使所攜貨物願至京師貿易則聽其自運或願
在廣東貿易督撫委官監視之十二年二月

封森列拍臘照古龍拍臘馬噶陸坤司由提雅普埃為暹

羅國王

賜誥命銀印令其使臣齎回二十四年十二月閩臣議覆

增賞暹羅緞幣表裏五十

上從之六十一年四月貢使至

賜其國王及王妃紗緞

諭令運米三十萬石於福建廣東寧波等處糶賣免其征

稅雍正二年十月貢稻種果樹

賞賚如例又加

賜國王蟒緞玉磁等物其船梢目九十六人以往居暹羅
數代雖係漢人求免回籍得

旨免其回籍是年暫停暹羅運米其隨帶貨物免其徵稅
嗣後運米至閩浙等處俱免其稅永著為例六年二月
運米至廈門七年六月貢使至

賞賚如例又加

賜國王蟒緞玉磁等物

御書天南樂國四字匾額賜之奉

旨暹羅常貢土物內有速香安息香袈裟布匹等嗣後免
其入貢著為例乾隆元年國王森列拍照廣拍馬疇陸
坤司由提雅普埃以嗣立故遣陪臣貢馴象及方
物奉

旨特賞蟒緞四匹加恩賞給銅八百斤後不為例八年
九月奉

旨暹羅國商人運米至閩源源而來其加恩之處自當

著為常例嗣後外洋貨船帶米萬石以上者免船貨
稅銀十之五五千石以上者免稅十之三十一年九

月

上以該番航海遠來慕義可嘉其帶米不足五千石者
仍加恩免船貨稅銀十之二十四年七月貢使至

賞賚如例又加

賜國王蟒緞玉磁等物

御書夾服屏藩匾額賜之十八年二月貢使至照例加

賞并從所請加

賜人參以後職貢不絕並照例加賞

南掌

南掌本老撾部屬其俗佩雕刀為飾故呼為撾家
古為越裳氏地明嘉靖間始稱南掌東南與安南
接西南與暹羅接西北至雲南省治六百八十里
皆陸行貢道由普洱府入夷性獷悍身及眉目皆
刺花相傳酋長三等大曰招木弄次曰招木牛又

次曰招木化居高樓部屬入見不下樓即所至之地為等級焉

本朝雍正七年雲貴廣西總督鄂爾泰疏言南掌國王島孫遣使奉蒲編金字表文一道馴象二隻求入貢得

旨嘉獎沿途護送從厚支給八年二月遣使表貢并請定貢期得

旨五年一貢本年初次納貢頒賜

敕諭一道並

賜文綺等物令使臣齎捧回國九年六月奉表謝頒

敕諭恩乾隆元年

賜國王烏孫彩緞文綺八年六月

上以南掌僻處天末遠道致貢改為十年一次十四年

正月貢牙象二十六年二月南掌國王准第駕公

滿奏言臣母喃瑪喇提拉同臣遣使奉表進馴象

二隻慶賀

皇上五旬萬壽

皇太后七旬萬壽同時准第駕公滿又別備表文一道象
二隻遣使呈貢以表下情宴賞如例南掌土產有
犀牛海貝象及木香訶子乳香之屬其貢物則以
象為貴云

港口

港口在西南海中安南暹羅附近國也王鄭姓名
天錫國中多崇山所轄地纔數百里有城以木為

之宮室與中國無異自王居以下皆同磚瓦服物
制度畧仿前代相見以合掌拱上為禮其風俗重
文學好詩書國中建有孔子廟王與國人皆知敬
禮有義學選國人子弟之秀者及貧而不能具脩
脯者絃誦其中漢人有僦居其地而能句讀曉文
義者則延以為師土產有海參魚乾蝦米牛脯等
物

本朝雍正七年以後通市不絕經七洲大洋到魯萬

山由虎門入口達廣東界計程七千二百里距廈門水程一百六十更

東埔寨

尹代瑪附

東埔寨在西南海中海岸多泥名爛泥尾北枕大山國中無城池王即山而建府架竹木為之覆以茅葉民居亦然天時煖而不寒常若春夏衣不以鈕扣披於其身下則圍以裙名曰水幔惟貴者得服綢緞國人皆布以是為等差人柔弱喜飼象教

之操演禦敵飲食甘淡薄咸用手團以漁獵耕種
為業帶劍入山尋犀角獻尊長以為禮土產有蘓
木象牙白芷菴蓐黃麝皮檳榔子黃蠟每冬春間
浙閩粵商人往彼互市近則兼市絲斤及夏秋乃
歸粵人之歸也舟必經七洲大洋到魯萬山由虎
門入計程七千三百里距廈門水程一百七十更
安南暹羅附屬國也其旁有尹代瑪國距廈門水
程一百四十更亦屬安南暹羅風俗畧與港口東

埔寨同

宋牯勝 埭仔六崑大呢附

宋牯勝在西南海中屬暹羅俗好事佛以手團食
男事耕漁常佩刀女椎髻能紡織土產有牛鹿肉
蝦米燕窩海參番錫之屬

本朝雍正七年以後通市不絕其國距廈門水程一
百八十更旁有埭仔六崑大呢諸國埭仔在西南
海中東北與宋牯勝接男子服短衣布幔跣足持

刀女穿花色衣被絲幔足曳淺拖鞋土產燕窩番
錫象牙棉花其國距廈門水程一百八十更六崑
風俗物產同埭仔距廈門水程一百五十更大呢
一名大年在西南海中東北與六崑接男女短衣
跣足佩刀執鎗土產胡椒蝦米燕窩黃蠟牛鹿脯
其國距廈門水程一百五十更三國自雍正七年
以後亦通市不絕俱暹羅屬國

緬甸

緬甸古朱波國在雲南永昌府騰越州天馬虎踞
諸關外其首居阿瓦城南至海西至猛養北至猛
密所屬有木邦等十三路地方遠濶俗尚柔詐其
夷官夷民服飾與南掌相似婦人束髮穿耳短衣
圍以錦幅長裙其地有名老官屯者多海鹽恒與
內地貿易土產有蘇木象牙翠羽木棉之屬元及
明初雖示羈縻時多反覆嘉靖後莽瑞體父子雄
長諸部不通職貢我

朝順治間故明桂王朱由榔走蠻莫思綿緬擒以獻
畏威懷德仰慕

聖化蓋匪朝夕矣乾隆十五年其王莽達喇製金銀二鈇
篆刻表文並奉塗金寶塔馴象緬布等物抒誠入
貢奉

諭嘉獎其使臣筵宴賞賚俱照各國王貢使之例並頒
敕諭

御書瑞輯西琛四字匾額賜之令使臣齎捧回國嗣為

木梳酋長甕藉牙所募子惜愷惜駸相繼佔踞三十二年賊匪不靖跳梁犯邊滇省督臣因循貽誤上命將軍公明瑞統率諸兵討之三十二年大兵至木邦賊於三日前聞風竄逸我軍臨江造橋逕渡賊以萬衆據守蠻結將軍公明瑞及領隊諸大臣奮勇攻擊連破其十六砦賊據天生橋以拒我師我師繞道夾擊殲二千餘衆獲糧械無算尋進兵宋賽直趨猛密深入二千餘里軍威大振時別令叅

贊額爾登額統兵自旱塔路接應額爾登額逗遛不進致老官屯匪孽尾隨大軍伺隙將軍公明瑞自大山移駐猛腊連勝殲賊以綠營兵疲病者多不忍棄去令將士護行身自殿後遇賊死之時賊酋奉蒲葉書求撤兵因擺夷送至

上以彼未專使誠心乞降不許三十四年

特命大學士公傅恒往滇經畧軍務選派黑龍江索倫兵三千同吉林水師

盛京新滿洲兵各一千並揀厄魯特三百餘鄂倫春三百次第赴滇進剿初緬匪恃有老官屯之險必得舟師夾擊攻拔其柵始可沿江順流直搗賊巢經畧大學士公傅恒始至即於銅壁關外野牛壩地鳩工造船七月二十日由騰越啟行進兵時猛拱土司渾覺遣其頭目脫猛烏猛至騰越投誠願備舟濟師八月二十四日大兵至南底河猛拱城長來迎遣將撫定其城猛拱為緬甸門戶感化服從則全勢已得九月初十

日大兵至巒暮會兵大江上游要地盡為我有於
是分撥舟師水陸並進賊衆潛聚新街於江灘結
寨一其右及西岸各結大寨一以拒我師我師進
擊大破之礮碎其舟射斃紅衣賊首數人奪得賊
纛一破其西岸大寨獲賊無數賊大震懾捷音至
上以將弁奮勇老官屯計日可取惟是其地水土惡劣
我軍多有病者傳

諭傳恒等攻得老官屯後即速撤兵毋庸盡殺會賊酋

惜駭畏威震懾奉有致將軍蒲葉書遣其大頭目
至老官屯頻詣軍門願請免其聲討於是經畧大
學士公傅恒等移檄使受約束責其奉表納款暫

許解圍奏至奉

諭撤兵善後事宜令傅恒熟籌妥辦猛拱土司渾覺既
率屬內附應詢彼所願於邊內擇善地處之俾得樂
業安居三十五年振旅還

京師自是緬酋震我

天威感戴

恩德慎保土疆南荒帖息焉

整欠

整欠居九龍江邊外距普洱府約千餘里所屬大
猛養等十數寨統大頭目十六其一曰邁巖第
乾隆三十四年抒誠內附請修職貢

上念其地在僻遠命六年一貢四十年十月其頭目賚
象牙犀角來獻

金步日
卷九十八
令預朝正班末宴賞如例其頭目被紅褐錦衣草鞵不
冠以紅帕抹首婦女衣飾與獫夷相似

景海

景海亦居九龍江邊外距整欠又數百里所統大
小頭目二十餘其頭目曰先綱洪乾隆三十四年
抒誠內附請修職貢四十年十月來貢與整欠同
其物產服飾亦與整欠相類

廣南

廣南古南交地王阮姓本中國人歷代未通職貢
其地東接安南西隣占城南濱海東北至緬甸西
北距暹羅境有大山海包其外形如半月名曰廣
南灣人善泗紅毛國人夾板船最大風帆不利漂
入廣南灣者國人即遣小舟數百雲集其處人負
一竹筒納長縷沒水而釘縷於船下還棹小舟遠
曳以行於是奪其貨而焚之故紅毛人以不見廣
南山為幸他國商船入廣南者稅物加倍以為常

康熙八年廣東都司劉世虎等遇風飄泊國境廣南國王遣其臣趙文炳送歸并帶貨物船隻來粵部議趙文炳等雖奉廣南國印文遣來實係中國之人或留或遣請

旨定奪其帶來之物現奉海禁不便貿易應入戶部得

旨廣南國王送劉世虎等回粵殊為可嘉著給以照驗遣歸廣南船貨不必入官仍給來使嗣後凡往來商船由

廈門至廣南過安南界歷七洲洋取廣南外之占

畢羅山即入其境國無城郭周栽荊竹以自固云
葫蘆國

葫蘆國一名卡瓦在永昌府東南徽外從古不通
中國亦不屬緬甸地方二千里北接耿馬宣撫司
西木邦南生卡瓦東孟定土府距永昌府十八程
乾隆十一年三月其酋蚌筑願以其地茂隆山銀
廠抽課報解作貢解課三千七百九兩零赴雲南
省投誠且稱境內茂隆廠自中華人吳尚賢開採

以來礦砂大旺廠地人民各守

天朝法度路不拾遺等語王大臣議令雲南督臣曉諭
却之仍令將吳尚賢等違例出境查明具奏報

可六月葫蘆國夷目仍請仰懇

天恩俯順夷情收受廠課雲督張允隨請減半收納仍
以所收課銀之半給賞該酋長以慰遠人歸順之
意

上從之十六年總督碩巴等以茂隆課長吳尚賢將歷

年

恩賞酋長課銀侵肥入已叅奏治罪下部知之其地山
多田少刀耕火種以木為城索綯為屋牲畜繁孳
人多造炭為業山居穴處氍毹短袴以布纏頭婦
女曳裾衣短衣以紅藤束腰分地而治者皆其族
姓惟傳國次第不可考

柔佛

丁機奴單坦彭亨附

柔佛在西南海中背山而國前臨大海歷海洋九

千里達廣東界國中無城郭宮室民皆環山而居
支以竹木蓋以茅葉天時雖秋冬亦煖相見以合
掌拱上為禮土產有降香烏木西國米冰片海參
胡椒燕窩之屬康熙五十七年五月柔佛國番人
利哈等五十三名遭風漂至廣東船壞官給貲糧
並給內地船遣歸雍正七年弛南洋商販之禁自
後通市不絕柔佛屬國有丁機奴單但彭亨丁機
奴在西南海中風俗畧同柔佛土產有胡椒沙金

沙藤速香等物國人終身不出境無航海而來中國者各歲冬春間粵東商人以茶葉磁器色紙諸物往其國互市乾隆二十九年以兩廣總督蘇昌奏准帶土絲及二蠶湖絲浙閩人亦間有往者及夏秋乃歸單但在西南海中距廈門水程一百三十更風俗物產與柔佛同彭亨國與柔佛連山相接內地商民往柔佛者每轉附番舶至其國貿易

亞齊

亞齊在西南海中相傳即蘇門答刺國明萬曆時
易今稱其王嚴防衛拓宮殿建六門雖勳貴不得
帶刀上殿出乘象象駕亭而惟其外如是者百餘
俾人莫測王所在云男女穿長衣頭纏白布土產
有西洋布丁香肉果水安息蘇合油之屬無麥有
禾一歲二稔市道稱平內地商船每附番舶至其
地貿易

呂宋

呂宋居南海中在臺灣鳳山沙馬崎東南至廈門
水程七十二更閩人以其地富饒多往商販或久
居不返至長子孫俗淳樸無爭訟出入以刀自衛
明萬曆中法蘭西襲殺其王據其國名仍呂宋我
朝順治三年番使至四年六月

上錫以服物并頒

賜敕諭遣歸本國康熙五十六年以呂宋等國口岸多聚

漢人恐寢成寇盜奉

諭禁止南洋貿易雍正七年復通市如故十三年正月呂宋載米及銀至廈門請易麥三千石得

旨許之呂宋隔海對峙有五島曰班愛曰堊黨曰速巫曰
猫務曰煙島各有王其東南又有萬老高島人物
土產與呂宋相類

莽均達老

莽均達老在東南海中其種類曰巫來由男女服
短衣絲幔跣足以手團食土產有海參黃蠟烏木

檳榔之屬雍正七年後通市不絕其國距廈門水程一百五十更

文萊

文萊在東南海中息力大山之西北古婆羅國也相傳有東西二王王係閩人明永樂間隨鄭和往留主其地民風柔順以伐烏木採荊藤為業貿易以布代銀飲食不用匙箸土產有烏木黃蠟冰片丁香之屬雍正七年後通市不絕其國距廈門水

程一百八十更

馬辰

馬辰在東南海中息力大山之南以木為城水多地少惟部領得陸處人民都架筏水中蓋屋以居相傳漢馬援遣兵留寓彼中號馬留人者即其苗裔俗尚佛教工織蓆土產有胡椒番錫丁香荊藤燕窩豈龜之屬雍正七年後通市不絕其國距廈門水程三百二十更

蘇祿

蘇祿在南海中距呂宋水程一百一十更貢道由
福建達

京師其國氣候常熱地瘠寡粟麥城據山險器皿皆
銅為之煮海為鹽釀蔗為酒織竹為布土產有珍
珠玳瑁金頭牙薩描金花布白洋幼布蘇山竹布
龍頭花刀滿花番刀夾花標鎗及燕窩藤席之屬
雍正四年十月蘇祿國王母漢末母拉律林遣使

奉表貢方物得

旨嘉獎并奉

旨蘇祿國進貢沿途護送從厚支給五年六月貢使至

賜宴賞賚頒

敕諭一道令使臣齋捧還國定例五年一貢十一年六月

國王奉表謝

恩並奏伊祖東王於明永樂間入朝歸至德州病故所有墳墓及其子孫存留調恤之處經隔三百餘年懇

請修理給復經禮部議覆蘇祿國東王巴都噶以
哈答歿謚恭定長子都馬舍歸國襲封次子安都
祿三子溫哈喇留居守塋其子孫以祖名分為安
溫二姓今該國陳詞懇切應如所請飭查王墓所
有神道享亭牌坊修理整飭於安溫二姓中各遴
一人奉祀給頂帶永為例疏入報

可乾隆五年八月國王麻噉末呵稟勝寧遣番丁護送遭
風商人回內地得

旨嘉獎八年五月貢使馬明光等至奏請三年後復修

朝貢得

旨仍遵雍正五年所頒

敕諭酌俟五年外一修歲獻之

旨行二十七年十一月國王蘇老丹麻末案葉隣遣使入

貢蘇祿之西為吉里問又西過文萊為朱葛礁喇

皆在息力山之北息力山廣大不可測山中人跡

多不到產野獸多異狀

噶喇巴

噶喇巴本瓜哇故地巫來由種也後屬荷蘭國在南海中距福建廈門水程二百八十更計一萬六千八百里明世諸番五市未嘗至

本朝初年始與呂宋蘇祿等通商閩海關海商人多留居不返康熙五十六年禁南洋商人往來雍正五年開洋禁嗣後通市不絕初噶喇巴為荷蘭人所佔委夷目鎮守更代皆聽荷蘭之命漢人居者

甚衆生長其地者曰土生仔司漢人貿易者曰甲
必丹人有罪則徙之西隴西隴在西洋中距噶喇
巴遠甚荷蘭舊國所屬也乾隆十三年福建龍溪
縣民陳怡老久居噶喇巴貿易賄通夷目謀充甲
必丹於十四年五月潛回廈門為地方官訪獲以
聞照例遠遣二十四年禁絲斤出洋二十七年開禁惟
南洋噶喇巴飭禁如故二十九年仍許立限酌帶
以嘉惠番夷云

舊港 麻六甲附

舊港即三佛齊國在西南海中舊為巫來由種類
噶喇巴屬國也地方袤廣數千里國無城池隨民
居之所聚為村落傍山建王府以磚瓦為之地氣
多煖土產有胡椒沙藤錫棉花之屬王姓名世系
不可考雍正七年粵省商船載磁器缸瓦色紙京
菓諸物往彼互市乾隆二十九年准加市絲斤至
廣東計程一萬一千餘里舊港西南有麻六甲人

性靈巧善經商風俗亞於噶喇巴惟不燔炙土產
錫料藤胡椒雍正七年後通市不絕東北距廈門
水程一百八十五更

曼加薩池悶萬丹思吉港附

曼加薩在東南港中舊為武訖種類近屬噶喇巴
產海參海菜黃蠟之屬西北距廈門水程三百六
十七更曼加薩西有國曰池悶巫來由種也風俗
與曼加薩同產海參烏木胡椒黃蠟之屬相近有萬

丹國思吉港國風俗土產畧同內地商民往噶喇
巴者多轉附番舶至彼貿易

英吉利

英吉利一名英圭黎紅毛番種也距廣東計程五
萬餘里王姓名世系遠者不可考其近者名弗氏
京也治傳子昔斤京也治又傳子非立京也治康
熙間英吉利始來通市後數年不復來雍正七年
後互市不絕乾隆七年十一月英吉利巡船遭風

飄至澳門海面廣東撫臣資給回國二十二年禁
英吉利商船不准於浙貿易自是皆收泊廣東其
土產有大小絨氍毹羽紗紫檀火石及所製玻璃
鏡時辰鐘表等物精巧絕倫二十七年夷商白蘭
等求仍照前通市兩廣總督蘇昌奏請照東洋銅
商絲斤搭配綢緞之例酌量配買奏

可自是英吉利來廣互市每船如額配買歲以為常所

屬有亞齊國見前

干絲臘

干絲臘與英吉利相近風俗亦相同每歲駕夾板船來廣東互市處呂宋速巫等地為貿易之所干絲臘國常分遣小臣鎮守呂宋

荷蘭

荷蘭俗稱紅毛番亦曰紅夷與法蘭西相接其國有大山名那蘭山山麓建城其人深目長鼻鬚眉髮皆赤其國受

朝敕稱王名列外服俗奉天主教性強悍所恃惟巨
舟大礮舟長三十餘丈廣六尺厚二尺餘樹五桅
後為三層樓傍設小牕置銅礮桅下置二丈巨鐵
礮發之可洞裂石城震數十里然舟大難轉遇淺
沙即不能動云其所役使名烏鬼入水不沉能走
海面如平地其土產有馬珊瑚哆囉絨暉噠緞
鏡丁香檀香自鳴鐘冰片琥珀烏鎗火石皆充貢
物所製刀劍可屈伸縈繞如帶明萬厯中來侵呂

宋泊香山澳入澎湖島尋據臺灣我

朝順治十年廣東撫臣奏荷蘭願備外藩謹修職貢
十三年六月國王墨投為也甲必丹物馬綏極遣
使表貢奉

旨令八年一朝並

賜敕諭令貢使齋捧歸國康熙三年大兵渡海攻鄭錦等
荷蘭國率舟師助勦

上嘉其功

賜國王文綺白金等物二十五年六月國王遣使請進貢
五年一次並請貢道由福建入許之是年定減荷
蘭貢額

賜敕慰諭乾隆元年

特命減荷蘭國稅額二十七年准荷蘭夷商每船配買
絲斤綢緞皆有定額著為例

法蘭西

法蘭西一名佛朗機亦紅毛番種也東與荷蘭接

其國都地名巴離士國王姓無盧蒙名雷士堅治
父名雷士吉多治祖名雷士爹利治其人長身高
鼻拳髮赤鬚特強凌轢諸國無所不往土產有象
犀珠貝市易但伸指示數雖累千金不立約契我
朝順治四年八月廣督佟養甲疏言法蘭西國人明
季寓居壕境澳與粵商互市後因闌入省會遂飭
禁止請嗣後仍准番船通市

上從之自是每歲通市不絕惟禁入省會耳

瑞國

瑞國在海洋中國中土地平行有大山三產紅銅
民為開採納於王王所居名仕的哥盧國人會聚
之地名乙頓巴黎蓋泊船總匯處也其人信奉天
主自雍正十年以後通市不絕其國王曰土的亞
多傳子非里地力非里地力傳子亞敦非里地力

云

連國

連國地居海洋中凡歷六萬餘里至廣東界王所
居名顛地墨王名非釐德歷王父名奚成王祖名
奚釐成其遠者莫考國人風俗同英吉利土產有
黑鉛琥珀白金及大青蒲萄乾之屬雍正間有夷
商來廣通市後歲以為常粵省商人無至其國者

皇朝通典卷九十八

欽定四庫全書

皇朝通典卷九十九

邊防三

西序畧

臣等謹按杜氏邊防典西方凡七十五國五朝續通
典分西及西北凡八十二國以今輿地考之諸國
疆界半在伊犁回部之內以至青海西藏久為服
屬餘則今古殊名舊蹟湮沒有不可詳考者恭惟

我

皇上聖武布昭鴻猷式廓殲巨憝而拓版疆天山南北
盡同赤縣黃圖羣優游於

闡澤於是附近葱嶺之東西布魯特安集延霍罕拔達
克山博洛爾諸國葱嶺以外遠抵西海之塔什罕
愛烏罕諸國延頸企踵瀝誠慕化貢使頻來駢生
并育

皇上廣開渥澤

召見賜宴俾與觀燈火暨閱射賞賚優厚歡欣忭躍之
誠周決於大濛之宇凡昔漢唐以來羈縻駕馭不
克招致者一旦畏威懷德並游於

聖化之中洵超軼前古之隆軌矣西洋意達里亞博爾
都噶爾亞諸國去中土八萬餘里輸誠慕化貢獻
不絕其人來處中土者天文推步之法制器尚象
之能亦俾得各用所長專門不廢遴厥才良得以
筮仕効職至其所崇天主之教則但使自沿其俗

嚴禁流傳勿使得淆聞見蓋

聖人仁育義正之懷收其人必盡其用安其俗不存其
教而

聲教翔洽遠達於重溟冰海之墟尤前古所未有也愛
烏罕諸國實隣西海西方之地至此已盡而西洋
諸亞則懸處巨海之外其地尤為遼曠云

西

東布魯特

東布魯特回部別種也在天山北準噶爾部西回
部西北東南距阿克蘇城七百九十里東北距伊
犁一千四百里其部有五曰薩雅克鄂拓克圖魯
起拜主之曰薩拉巴噶什鄂拓克車里克齊主之
戶各一千有奇兩頭目不相統屬有瑪木克呼里
兼轄之曰霍索楚鄂拓克邁他克主之曰啟台鄂
拓克喀喇博託主之戶俱千有奇析居搭拉斯地
曰薩婁鄂拓克阿克拜主之其酋長戴氈帽衣錦

衣民人冠無皮飾衣褐舊為烏孫西鄙地其國舊
游牧處在特木爾圖淖爾左右後為準噶爾所侵
始西遷乾隆二十年準噶爾部平得復故地二十
三年六月將軍兆惠等追捕逆賊哈薩克沙喇至
布魯特界遣侍衛烏爾金托倫泰抵其游牧珠穆
翰地撫諭之薩雅克薩拉巴噶什兩鄂拓克人眾
俱歸順時邁他克之子額什博洛適在其地亦願
率所部來歸托倫泰與俱往行六日至其地撫定

霍索楚啟台兩鄂拓克人衆並獻牛羊遣使來軍
門投誠七月叅贊大臣富德復遣侍衛伊達木札
布至薩婁鄂拓克阿克拜率其衆五千戶來歸於
是東布魯特全部皆內附是年車里克齊圖魯起
拜等來朝

京師

詔扈木蘭行圍

賜宴萬樹園觀燈火二十五年正月布魯特遣使入貢

召見於勤政殿

賜宴六月又遣使臣來貢宴賚如例二十六年部長額木爾貝以其所寶之玉匕首進獻嗣是遵奉正朔每歲朝貢不絕

西布魯特

西布魯特與東布魯特相接在回部喀什噶爾城西北三百里西接哈布爾諸部落道由鄂什踰葱嶺而至其部落凡十有五最著者四曰額德格納

鄂拓克曰蒙科爾多爾鄂拓克頭目阿濟畢兼轄
之戶七百有奇曰齊里克鄂拓克頭目由瑪特戶
二百有奇曰巴斯子鄂拓克頭目噶爾住戶千三
百有奇逐水草事游牧風俗與東布魯特畧同舊
為休循捐毒諸塞種地乾隆二十四年將軍兆惠
既定山南回部追捕餘孽道經其地阿濟畢等遮
道籲請內附遣二等待衛達克塔納等往撫定之
乃率諸部自哈布爾以東二十萬人衆皆來歸順

遣使朝

京師

詔與觀大閱

賜宴觀燈火二十五年八月遣侍衛索諾穆策凌等往
賜之

救其頭目阿濟畢等咸懼躍踰望郊迎祇受盡禮自是
每歲朝貢不絕

安集延

安集延東與東布魯特部接南與西布魯特部接
東南至回部喀什噶爾城五百里其西北為那木
干西為瑪爾噶朗又西為霍罕四部各有城俱當
平陸南控蔥嶺北濱那林河南北山泉支流會合
襟帶諸城之間人民殷庶畜牧饒富其人亦布魯
特種其頭目冠高頂皮帽衣錦衣民人戴白氊帽
毛皮為邊衣黃褐古皆為大宛國地史記所稱大
宛土著耕田有城郭屋室者也元魏為洛那國唐

為拔汗那後更名寧遠安集延那木干瑪爾噶朗
霍罕諸地皆有伯克而霍罕城伯克額爾德尼為
之長衆咸聽命乾隆二十四年將軍兆惠等追捕
霍集占遣侍衛達克塔納等至其地額爾德尼遣
使迎至城內日饋羊酒果米馬匹等物備極誠敬
上表請歸附於是四城內屬遣頭目托克托瑪
哈穆第等朝

京師貢馬

賜宴瀛臺賞賚有差二十五年正月安集延額爾德尼
伯克遣使入貢宴賚有加與觀燈火八月遣侍衛
索諾穆策凌等齎

救往

諭額爾德尼率諸伯克郊迎祇受成禮自是每歲朝貢
不絕瑪爾噶朗東與安集延接相去百八十里南
接蔥嶺北濱那林河西亦有河出蔥嶺北山北行
入那林河霍罕東與瑪爾噶朗接相去二百里北

濱那林河那木干東北與布魯特雜處東南距瑪爾噶朗城八十里南濱那林河有水出城北山南流入那林河

塔什罕

塔什罕在回部喀什噶爾城北一千三百里東南與那木干接東與布魯特接東北與右部哈薩克接居平原有城郭以三和卓分轄其衆曰莫勒多薩木什曰沙達曰圖爾占在漢為康居西境大宛

北鄙唐九姓昭武所居地也其部舊為準噶爾羈
屬歲効差役伊犁平後右哈薩克將脅服其國圖
爾占不從逐其所置頭目與哈薩克連兵不解乾
隆二十三年叅贊大臣富德追擒哈薩克沙喇至
其地遣使往撫次軍於莽格特城外以待之時圖
爾占方與哈薩克戰於河上因宣示

聖主威福諭令釋兵和好如初於是塔什罕得安耕收
遣其屬奉表歸順

詔受之九月遣使入朝

賜宴避暑山莊額什木札布者阿睦爾撒納之兄子亡命入回部為塔什罕所得至是附貢使以獻

上恩宥其死而遣還之自是塔什罕朝貢不絕由塔什罕西南行七百里外踰錫爾河又踰那林河為撒瑪爾罕城又西南為哈拉科子城又西臨達里岡阿鄂謨是為西海西境盡矣

拔達克山

拔達克山居蔥嶺西南境西北至伊西洱庫爾東
北至葉爾羌皆千餘里有城郭其汗曰蘇爾坦沙
部落繁盛戶十萬有奇頭目戴紅氊小帽衣錦氎
衣民人衣黃褐在漢為烏古國元史載有巴達哈
商明有八答黑商皆字音之訛即其地也其國負
山險扼蔥嶺之右頗擅形勢有河北流經博洛爾
拔達克山西部落之間至伊西得拉克分流一流
經北入土斯庫爾一流道西南又北入於伊西洱

庫爾其北鄙之城曰瓦漢乾隆二十四年八月回部逆首博羅尼都霍集占為

王師所敗奔拔達克山副將軍富德率師追之遣諭其汗蘇爾坦沙宣示博羅尼都霍集占負

恩狀令擒獻蘇爾坦沙因縛博羅尼都而以兵圍霍集占於阿爾渾楚哈嶺擒之囚之於柴札布柴札布者拔達克山繫囚處也乃遣人詣軍門投款且報二賊就擒狀副將軍富德遣使往諭責令獻俘進

軍瓦漢以待之是時痕都斯坦方以兵臨拔達克山謀劫取二酋而塔爾巴斯者拔達克山讐國也賊將通之攻拔達克山所遣使被獲於是遷霍集占於密室以二百人圍而殺之初蘇爾坦沙以二逆囚與已同為派噶木巴爾裔不忍縛獻及反覆曉以順逆利害之故遂大覺悟乃出逆屍馳獻率部落十萬戶與隣近之博洛爾部三萬戶俱降二十五年遣陪臣額穆爾伯克等朝

京師貢刀斧及八駿馬二十六年正月

上召見額穆爾伯克等

賜宴如例並觀燈火二十七年十二月貢使至宴賚如

例

上御大西門幄次

閱健銳軍營俾與觀焉二十八年三月貢馬犬鳥鎗腰

刀由是每歲職貢不絕

博洛爾

博洛爾在拔達克山東有城郭戶三萬有奇四面皆山西北面有河乾隆二十四年與拔達克山同內附遣其陪臣沙伯克等朝

京師二十五年正月

召見賜宴如例與觀大閱燈火二十八年博洛爾伯克沙瑚沙默特貢劍斧等物二十九年貢匕首是時博洛爾與拔達克山屢行構釁圍城劫掠沙瑚沙默特乞援於駐劄葉爾羌都統新柱遣諭拔達克

山恪遵約束還俘罷兵至是沙瑚沙默特以其部所寶之匕首進貢謝

恩三十四年又進玉櫛雙匕首其南有部落曰痕都斯坦產金絲緞暨玉石國人工巧善於瑯刻其製器之精他部莫及後為愛烏罕所并

愛烏罕

愛烏罕在拔達克山西為蔥嶺以西回部之極西境自拔達克山西南行三月程乃至其地有三大

城曰喀奔曰堪達哈爾曰莫沙特喀奔城南北西
俱臨山東面地平曠堪達哈爾城四面皆山其汗
名愛哈摩特沙莫沙特城舊屬伊蘭國愛哈摩特
沙征取之並兼有痕都斯坦地遂統治三城俗事
耕種無游牧人兵廣稠勝兵十有五萬乾隆二十
四年大兵追逐霍集占將入愛烏罕境為拔達克
山擒獻愛哈摩特沙聞之因拔達克山通使投誠
二十七年十二月遣使來朝進金紙表文凡重四

譯乃至

詔賜宴賚如例二十八年三月愛烏罕貢馬四匹馬皆
高七尺長八尺自後貢獻不絕愛烏罕境地遼濶
由喀奔至堪達哈爾二十八日程由堪達哈爾至
莫沙特二十日程其北境接布哈爾西有莫克孔
志爾等數部落過此即西海

西洋意達里亞

西洋去中國水程八萬里其道由地中海西出大

洋南行過福島東南行汎利未亞海過大浪山折
而東行過西南海東北行過小西洋又東行至呂
宋入廣南境其地名歐邏巴州意達里亞在歐邏
巴州南境周一萬五千里三面環地中海一面臨
高山土田饒沃州郡繁多其最大者凡六城曰羅
瑪曰勿擲祭亞曰彌朗曰納波里曰熱孛亞曰福
楞察其俗尊奉天主自國都至閭井咸設天主堂
有掌教者專主教事稱為神父其堂一切供億皆

國王大臣民庶轉輸不絕每七日瞻禮一次名曰彌撒出五金以金銀銅鑄錢為幣衣服有天鵝絨織金緞毯罽之屬有利諾草可為布質細而滑敞可搗為紙極堅韌食用金銀玻璃及磁器用桌椅如中國工作製造備極精巧嘗造一渾天儀十二重層層相間七政各有本動日月五行列宿運行遲速與天無異以玻璃為之重重可以透視尚文學設學校分為四科一曰醫科主療疾病一曰治

科主習政事一曰教科主守教法一曰道科主興
教化別有度數之學曰瑪得瑪第加皆設學立師
使其人習之其國人來者自述其風俗之概如此
明萬厯間有利瑪竇者始汎海抵廣州後入京師
中官馬堂以其方物進獻嗣後來者益衆皆祖述
其說明末厯法疎舛禮臣請以其國新法相叅校
書成未上

本朝建元始採取其說先後命西洋人湯若望南懷

仁等為欽天監官並許自行其教餘凡直隸各省
開堂設教者嚴行禁止康熙九年六月國王阿豐
肅遣陪臣奉表進貢得

旨西洋地居極邊初次進貢具見慕義之誠可從優賞賚
尋遣歸國十七年八月貢獅子

上召見使臣於

太和殿宴賚如例五十六年廣東總兵官陳昂疏稱
天主教開堂聚衆在廣州城內外者尤多乞循

康熙八年例再行嚴禁從之雍正元年浙閩總督
覺羅滿保疏言西洋人於內地行教聞見漸清請
除送京効力人員外俱安置澳門其天主堂改為
公廨從之二年兩廣總督孔毓珣疏言西洋人先
後來廣東者甚衆澳門地窄難容請令暫居廣州
城天主堂內惟不許妄自行行走行倡教說其外府
之天主堂悉撤為公廨內地人民入其教者嚴行
禁止從之三年八月意達里亞國教化王伯納第

多遣使貢方物宴賚如例

賜敕諭令齋捧歸國乾隆二十五年廣東南海縣民林六
因緣入教至於變易服飾娶妻子經兩廣督臣
奏准比照左道惑眾為從例治罪因奉

旨嚴禁勿使滋蔓蓋所以杜異教重邊制焉傳聞意達
里亞旁有八九國西洋人艾儒為職方外紀畧言
由意達里亞東行為厄勒祭亞當歐邏巴極南境
地分四道凡制度文字皆為西土之宗東北有羅

瑪尼亞生齒極衆由厄勒祭亞東北行為翁加里
亞物產豐盛牛羊可供歐邏巴一州之用由翁加
里亞東北行為波羅亞國分四區地甚寒冷由波
羅尼亞東行為莫斯科未亞東西經五千里南北
經八千里中分十六道兵力甚強夜長晝短冬至
日止二時氣候極寒右五國皆在意達里亞東境
其在西北境者有四大國曰大尼亞沿海多魚及
牲畜曰諾而勿惹亞人性馴厚喜接遠方賓旅曰

雪際亞地分七道多五穀五金財貨曰鄂底亞在
雪際亞南亦繁庶此四國與熱爾瑪尼亞相隔一
海套蓋北際冰海云

西洋博爾都噶爾亞

博爾都噶爾亞在歐邏巴極西境周七百里西濱
大洋地分五道四方商船皆聚都城通海大市凡
六水泉二萬五千國有二學曰阨物辣曰哥應拔
歐邏巴高士多出此學土產果實絲綿極美多水

族善釀蒲萄酒即過海至中國不壞明以前未通
中國入

本朝西洋諸部面內向化雍正五年四月其國王名
若望者遣陪臣貢方物

上嘉其誠悃優加宴賚並

賜敕書於國王及文綺諸物令使齎捧歸國乾隆十八年
三月遣使貢方物

命欽天監監正劉松齡前途薰引至京

召見使臣

賜宴觀舟嬉並

賜敕書於國王及蟒緞文綺玉磁紙墨諸物優渥有加
其國東境為伊西巴泥亞又東北為佛朗察又東
北為法蘭得斯又東北為熱爾瑪尼亞博厄美亞
彼國中紀載稱伊西巴泥亞有二大城曰西未利
亞城近地中海曰多勒多城在山巔有巧工製一
水器能盤水至山城晝夜轉動不煩人力有共學

二所古有名賢曰多斯達篤者著書最多盡屬奧
理又有王名亞豐肅者好天文歷法撰歷學全書
制圖象為今西法之宗初博爾都噶爾亞國君乏
嗣伊西巴泥亞之君為其昆仲權署其國事後復
立君長不相統云熱爾瑪尼亞在博爾都噶爾亞
東北五千里其土人散處各國為兵極忠實至死
不貳工作精巧能於戒指內納一自鳴鐘所屬有
法蘭哥地人質直易信多葡萄善造酒博厄美亞

地生金掘井恒得金塊佛朗察地周一萬一千二
百里分十六道屬五十餘國其都城名巴理斯其
國王能以手愈人瘡癰每歲擇一日療人疾法蘭
得斯地不甚廣人居稠密右皆彼土紀載之所稱
道

欽定四庫全書

皇朝通典卷一百

邊防四

北序畧

臣等謹按杜氏邊防典北方四十一部五朝續通典分北及東北凡十八部蓋以北方事游牧數移徙所居不常唐以後皆屬於遼元則起自沙漠諸地皆歸統攝明代北方之地盡為元裔所據故史載

自定 卷一百
北方唯韃靼一傳而已以今輿圖考之元裔諸境
即今喀爾喀八十二旗及科爾沁等四十九部及
察哈爾諸部地自

本朝龍興之初漠南諸部久為臣僕

聖祖仁皇帝平定朔漠喀爾喀受職歸化與內札薩克同
皆不得以邊目之其遠處北陲者惟俄羅斯一國
境地頗為遼濶順治間即遣使來貢康熙間遣使
刻石定界朝貢通市累年不絕乾隆二十三年復

能遵奉行移呈獻逆賊阿睦爾撒納屍身以仰沐
天朝之撫輯蓋懷仁慕德匪朝伊夕矣自黑龍江之格
必爾齊河及喀爾喀部之西北境伊犁之塔爾巴
噶台路皆與俄羅斯接壤恪守成約無相越界其
子弟來學者復特設俄羅斯館以處之

嘉惠無已洵懷柔無外之規模也左哈薩克部初懷慕
義之忱繼有佐賊之舉迨怵我

天威稽首歸命偕右哈薩克部竭誠効職無有二心其

別部啟齊玉蘇烏爾根齊皆踵接來歸翕然從化
帝澤之所涵濡無間於遙陬僻壤而

敕書文綺

賜宴錫賚備荷優渥所為八極從風尊親感戴配天而
無極也左右哈薩克地非正北以其在伊犁北境
與俄羅斯國壤地相鄰茲列於邊防北卷

北

俄羅斯

俄羅斯國東北至海南至喀爾喀及伊犁北路之
塔爾巴噶台及哈薩克境西接西洋諸國東南至
格必爾齊河東岸自大興安嶺之陰以東至海與
黑龍江分界秦時為渾庾屈射丁靈即丁零見史記一作丁令
諸國匈奴冒頓單于始北服之漢時郅支單于北
降丁令并有其地北魏為烏洛侯國唐為骨利幹
戛默斯國元時為阿羅思吉利吉思昂可新地元
史稱吉利吉思南去大都萬有餘里有謙河西北

流注於昂可刺河北入於海即其地也相傳其國
舊無汗號處西北近海計由之地其酋名依番瓦
什里魚赤者因族姓擾亂求助於西費耶斯科國
假其兵力服屬諸族自立為汗部落遂大歷二十
餘代三百八十餘年其酋皆稱察罕汗云其地寒
多陰少晴幅幘廣袤二萬里分八道曰莫斯科窪
斯科為其國都曰西畢爾斯科自托波免河東至
尼布楚與中國分界曰喀山斯科曰佛羅尼使斯

科曰計由斯科曰司馬連斯科曰三皮提里普爾
斯科曰郭羅多阿爾哈連斯科一斯科所屬城堡
名柏興多者至百餘蒙古語謂民居為拜牲俄羅
斯與蒙古接蓋即拜牲之轉音也官制汗左右近
侍官四得專政每斯科設總管官一彼中名噶噶
林每柏興設頭目俗尚天主教不知朔望每歲按
四季大齋四次以冬季大齋完日為歲首俗尚貿
易務農者少知種而不知耘不以牛耕居河濱者

善泗所產有駝馬牛熊狼堪達漢野猪鹿狍黃羊
狐兔貂鼠銀鼠灰鼠鼯鼠之屬鼯鼠行地中遇陽
氣即死身大有重萬斤者骨色白潤類象齒性最
寒食之可除煩熱骨可成器彼中名麻門橐窪明
時阻於朔漠未通中國我

朝順治十二年其國察罕汗始遣使來貢

上嘉其誠款降

敕誥及

恩賜令來使齎捧回國十三年遣使奉表來貢以來使不諳朝儀却其貢而遣還之十四年又遣使來貢途經三載至十七年五月至表稱俄羅斯一千一百六十五年廷臣謂其不遵正朔宜逐之奉

旨察罕汗雖恃為酋長表文不合體制然外邦從化宜加涵容以示懷柔著該部與宴量加恩賞但不必遣使報書可即以表文矜詡不令陛見之故諭而遣之康熙十五年察罕汗又遣陪臣進貢方物奏言俄羅斯僻

處遠方從古未通上國不諳中華文義及疏奏禮儀兩次抒誠致多缺失今特敬謹遣使奉貢仰祈矜宥得

旨准其通貢初順治間俄羅斯部落曰羅刹者竊據黑龍江築城雅克薩地侵擾索倫達虎爾等及是

諭察罕汗嚴禁羅刹毋擾邊陲而羅刹仍復潛侵淨理溪等處遷延不返故巢二十一年八月遣副都統郎談公彭春率兵往達虎爾索倫覘視情形十二月

郎談等回奏攻取羅刹甚易

上諭兵非善事宜暫停攻取於黑龍江呼瑪爾二處建木
城遣寧古塔將軍巴海副都統薩布素以烏喇寧
古塔兵千五百戍之相機集事二十二年於黑龍
江建城以薩布素為將軍領之設斥堠於呼瑪爾
羅刹之衆有過黑龍江者降其兵目三十餘人

上赦不誅並安插之時羅刹屬人多來歸者令編為一佐
領使彼此相依有資二十四年正月

命都統公彭春都督何佑等率福建藤牌兵五百人代黑龍江兵守城種地五月都統公彭春等率師抵雅克薩城下遵

旨宣諭促令歸巢羅刹遷延不還乃分水陸兵為兩翼急進攻城中大驚頭目額里克舍等窮迫乞降遂遷歸雅庫彭春等收復雅克薩城並以逃人還七月釋羅刹宜番等四人歸國二十五年正月羅刹復來城雅克薩地

上命將軍薩布素等率所部兵二千往勦九月察罕汗上

疏言

皇帝所賜之書下國無通解者及前使尼果賚歸始悉情節以下國邊民構釁請察明作亂之人收回正法除遣使議定邊界外謹先齋書以獻并乞撤雅克薩之圍

上許之二十七年三月察罕汗遣費岳多羅等至

上遣領侍衛內大臣索額圖都統公佟國綱尚書阿喇尼

左都御史馬齊護軍統領馬喇等往二十八年十
二月會議於尼布楚歸我雅克薩尼布楚諸城定
議邊界以北流入黑龍江之綽爾結即阿倫穆河
相近格必爾齊河為界循河上流以至於海凡山
南一帶流入黑龍江之溪河盡屬中國山北屬俄
羅斯凡獵戶人等不許越界犯則擒治行旅有往
來文票者許貿易勿禁不留逃人議定乃盟立碑
界上釋兵而還自後遣使通貢互市不絕三十二

年俄羅斯送回逃人二名理藩院行文獎之三十
九年遣使賞奏至

聖祖諭曰俄羅斯僻處海隅甚為誠敬噶爾丹求救於彼
曾拒而不答曩遣人分畫疆界即獻尼布楚地以東為
界即此允當軫念也五十一年兵部職方司郎中圖理
琛使土爾扈特國時土爾扈特寄居俄羅斯之西
境假道俄羅斯以往該國王飭屬迎護供預禮節
備至圖理琛還悉其山川風俗為異域錄以獻初

通市諸物有噶噶林印記者准市餘則否五十六年七月俄羅斯邊城頭目以文來請於將軍托留欲私行貿易

上命托留移文切責之雍正五年三月察罕汗遣使表貢八月遣郡王額駙策凌伯四格侍郎圖理琛等與俄羅斯使臣薩瓦定議邊界自額爾古納河岸至阿魯哈當蘇阿魯奇都勒齊克達奇林俱為我斥堠應以相對之楚庫河為界自此以西沿布爾古

特山等處以博木沙畢羅嶺為界立石以誌不許越境滋事及容留逃盜人等犯者互相查拿並以恰克圖口為常互市所人數不得過二百定例遣理藩院司官一員照料修京城俄羅斯館來京讀書幼童及教習等官給養贍願回者聽隨

召見薩瓦等

賞賚有差並優

賜察罕汗遣薩瓦歸國是年議准俄羅斯人所居近山河

者以山河為界無山河之空地設立鄂博為界自東邊之額爾古納河至阮白爾哈黨蘇喀倫外空地從中平分以齊邊界乾隆二年監督俄羅斯館御史赫慶奏言俄羅斯互市止宜在於邊境其住居京城者請禁貿易在京讀書子弟禁其擅行出入從之二十二年準噶爾平侍衛順德訥窮追阿睦爾撒納至額爾圖拉與俄羅斯喀比潭相見於額爾齊斯河上索阿睦爾撒納未得將軍兆惠以

聞

上命理藩院移咨令遵不納逃人之例擒獻二十三年
正月俄羅斯遵奉行移不敢諱匿迷阿睦爾撒納
罪闌入彼界旋以痘死且出其屍於邊界之恰克
圖城乃遣親王齊巴克雅蘭品爾等驗而歸之俄
羅斯西北境有數小部落曰西費耶斯科曰圖耶
斯科曰博爾托噶里牙曰付蘭楚斯曰雅爾瑪尼
牙曰宜大里牙曰宜斯巴尼牙曰狄音曰和爾斯

提音曰布魯斯奇曰博爾斯奇曰別穆斯奇曰賽
薩林木斯奇曰昂假爾斯奇曰賀蘭斯奇曰博玻
林木斯奇皆俄羅斯附屬之國先是土爾扈特汗
阿玉奇者本準噶爾四衛拉特之一以與策妄阿
拉布坦構釁不相安率其全部徙居俄羅斯西境
內其駐牧之地曰額濟勒曰馬努托海康熙間每
假道於俄羅斯來貢乾隆十九年二十一年並來
朝貢

京師三十六年其汗渥巴錫與合族台吉挈全部三萬餘衆由俄羅斯境展轉萬餘里來歸順入覲於伊綿峪並於萬樹園

賜宴觀燈火

封爵賞賚有差其來歸之衆並給以餼廩授之牧地於伊犁東境之庫爾喀喇烏蘇北境之塔爾巴噶台諸地分境游牧各安生理其寄居舊壤仍入俄羅斯境云

左哈薩克

左哈薩克在準噶爾部西北西為右哈薩克北為俄羅斯東去塔爾巴噶台南去伊犁皆千里其部曰鄂爾圖玉斯駐伊什爾河旁無城郭東西千餘里南北六百里環境皆山源泉經絡其西北為伊什爾河地苦寒其西南境外二千里平時逐水草事游牧地廣人稠甲於他部其頭目戴高頂冠用氊一幅嵌以黃皮衣錦衣寬而長民人首戴氊帽

衣褐束布帶風俗物產文字與準噶爾畧同言語
稍異境西北隅有獨樹五幹盤孳蔭廣可容二百
騎名鄂埒引噶克义莫朶年代莫紀為西域神物
哈薩克過其下者必膜拜供獻而不敢稱其名其
地為漢康居國以汗族而為首領者名蘇爾統乾
隆二十年二月準噶爾平

詔遣使往諭其汗阿布賚請歸順九月遣使達伊犁適
阿睦爾撒納由伊犁煽亂明年遁走哈薩克阿布

賚納之

詔遣將軍達爾黨阿由西路哈達哈由北路先後以大
軍進阿布賚遣和集博爾根以兵從阿逆走努拉
自率千騎西行會於毫哈薩拉克山下以待我師
七月將軍達爾黨阿分兵奮擊大破之斬首五百
七十級我兵進攻努拉擒其大頭目楚魯克是時
和集博爾根引二千騎西行我軍逼之出入鏖戰
獲其羸馘斬三百餘級賊乃遁初侍衛順德訥歸

自哈薩克以阿布賚恭順狀聞

詔遣賚

敕書賜蟒服七月至博爾喀爾綽濶以哈薩克佐賊不
得達時將軍哈達哈方擊阿布賚於臺哈薩拉克
山下奪其馬匹輜重無算阿布賚遁走師從之獲
大頭目昭華什由是三戰三捷師至於伊什爾伊
什爾者哈薩克巢穴也楚魯克昭華什既獲極陳
阿布賚悔懼欲乞降順將軍等遣往宣諭令擒討

逆賊於時阿逆懾我軍威已潛竊哈薩克馬逃回博羅塔拉等處二十二年將軍兆惠副將軍富德復將兵西征阿逆倉皇北走我師急躡之適阿布賚以兵來會遣其弟阿布勒比斯等為前隊與我軍遇陳情謝罪願受約束於是將軍等復遣使往諭阿布賚乃遣使奉良馬四表請內附

詔受之秋阿布賚使臣來朝

賜宴熱河之萬樹園觀燈火及迴

鑿

皇上較射於圓明園大西門外俾與觀焉阿布賚既臣
順遣兵助討賊以計擒阿睦爾撒納於阿爾察圖
不獲旋奔俄羅斯伏冥誅執其從賊阿布濟齊巴
罕來獻和集博爾根初以殘兵遁及是率其屬三
萬戶來降左部咸服十二月定哈薩克貿易之地
於烏嚕木齊二十三年五月哈薩克拜濟格特部
落之拜布拉克巴圖魯等獲布庫查罕六月哈薩

克哈爾津等獲厄魯特和碩齊皆獻於軍械送

京師二十四年阿布賚偕其兄阿布勒巴木比特弟
阿布勒比斯遣使來朝貢方物

賜宴並

賜敕書及文綺等物自是朝正入貢歲以為常

右哈薩克

右哈薩克東南與準噶爾接南與安集延那木干

布魯特諸部接西南踰塔什罕西六百餘里山巒

稠疊長河經灌其北有大澤名騰吉斯蓋小海也
右部之汗曰阿比里斯其巴圖爾三曰圖里拜曰
輝格爾德曰薩薩克拜而圖里拜實專國政阿比
里斯駐塔什罕城不事事受成而已其俗大抵與
左部同但左部無城郭事游牧右部則列城以居
為少異耳在古為康居西境漢康居五小王所治
之地大宛之西北鄙也乾隆二十一年左部降其
汗阿布賚請與右哈薩克部偕來會阿布賚復以

兵佐逆不果其後叅贊大臣富德以兵索逆賊哈
薩克沙喇至右部遣使往撫諭次軍於莽格特城
外以待是時圖里拜等方與塔什罕回人圖爾占
戰使至宣諭令解警釋兵即頓首聽命圖里拜等
並詣軍門納款奉馬進表以降時左部已歸順兩
哈薩克並嚮化面內二十三年圖里拜遣其子卓
蘭及輝格爾德之弟博索爾滿朝

行在

賜宴避暑山莊與觀大閱及燈火自是朝貢歲以為常

啟齊玉蘇

啟齊玉蘇為右哈薩克之別部在伊犁之西北二千餘里其頭目名努喇麗以游牧為生業大兵平定回部後時以羊馬至伊犁貿易乾隆二十七年努喇麗遣使入貢

賞賚如例其男子褐衣皮帽婦女花帛纏頭亦有戴小白帽者風俗與左哈薩克畧同

烏爾根齊

烏爾根齊亦右哈薩克之別部其游牧與啟齊王
蘇相近時與鄰部回人同至伊犁貿易乾隆二十
七年頭目哈雅布遣使入貢

賞賚如例其風俗服飾悉與啟齊王蘇同